

ЧИЛИН КҮЧ-КӨЛСЧНР ТҮРДЖÄНÄ

МОНТЕВИДЕО. (ТАСС).

1955 джил США-н монополистнр Чилид күчәр келгсн Клейн—Саксин американск миссин зураг күцәснәс иштә, орн-нутгт экономическ түрмшг улм хурцдджахин тускар Чилин бар зәнъглджәнә.

Тер зураг күцәснәс иштә күч-көлсчнрин бәәдл ик гидгәр муурв гидж бар темдглджәнә. Орн-нутгт хамг тоотин үн улм өөдләд йовна. Зугл ганцхн өнъгрсн, 1957 джил гуч шаху минъгън көдлмшчнр болн цергләчнр көдлмшәсн сулдхгдад,

ода өлсдж, түрджәцхәнә. Давсн джилд әмтн эдлдг эрки кергтә өлг-эдин үн күс-дундур-хойр холван өсв. Тутргъин, шикрин, гуйрин, үснәс кегддг хот-хоолин үн эн цагин эргцд хойр холванас үлү, хувцна, газин болн электроэнергин үн күс-дундур холван өсв.

Хамг тоотин үн өөдләд, көдлмш уга бәәх улсин то икдәд йовснас иштә, Чилин күч-көлсчнр джалв икдүлхин төлә болн бәәдлән ясрулхин төлә ноолдагъан күчлджәнә.